

Kunông Hunin chi Koa

(Khólah kiáⁿsun kàsī ê si, koh sī àibō ê koa; kau hō sipan chíhui; tiāu ēng "pekháp hoe".)

- 1 Góa ê sim chhèngchhut iubí ê giânsû,
góa ūi ông siōngthòk góa sǝ chò ê si,
góa ê chhì chhinchhiūⁿ láuliān chokka ê pit.
- 2 Lí pí sèkan lāng lóng khah bíhó,
lí ê chhùi chhiong móa unhūi,
sǝ, SiōngChú sǝ hok hō lí, títkau éngoán.
- 3 Tōa koānlēng ê ông ah, lí tiòh hā kiàm tī io nih,
hián chhut lí ê éngkng kah uigiām.
- 4 Ūi tiòh chinlí, khiamsùn kah konggī,
lí tī lí ê uigiām tiong chē béchia chìnchéng khì, pekchiàn peksèng;
lí ê chiàⁿchhiú ē chò chhut thang kiaⁿùi ê tāichì.
- 5 Lí ê chìnⁿ chin lāi, siā thàng ông ê tùitèk ê sim;
liát pang lóng phak tó tī lí ê khaē.
- 6 Lí ê póchō sī sīnsèng ê, éngéng oáoán ê,
lí ê kok ê koānpèng sī kongchèng ê koānpèng.
- 7 Lí ài konggī, thóia siâok;
sǝ, SiōngChú — lí ê SiōngChú ēng hoaⁿhí ê iú boah lí,
iâⁿkòe boah lí ê tângphōaⁿ.
- 8 Lí ê saⁿkhǝ lóng ū bútiòh, tímhiuⁿ kah jiòkkùi ê phangbī;
tùi chhiūⁿgê ê ôngkiong ū sihián ê gákkhì siaⁿ hō lí hoaⁿhí.

君王婚姻之歌

(可拉 kiáⁿ 孫教示 ê 詩, koh 是愛慕 ê 歌;
交 hō 詩班指揮; 調用「百合花」。)

- 1 我 ê 心 chhèng 出優美 ê 言詞,
我為王誦讀我所做 ê 詩,
我 ê 舌親像老練作家 ê 筆。
- 2 你比世間人 lóng khah 美好,
你 ê 嘴充滿恩惠,
所以, 上主賜福 hō 你, 直到永遠。
- 3 大權能 ê 王 ah, 你 tiòh 繕劍 tī 腰裡,
顯出你 ê 榮光 kah 威嚴。
- 4 為 tiòh 真理、謙遜 kah 公義,
你 tī 你 ê 威嚴中坐馬車進前去, 百戰百勝;
你 ê 正手 ē 做出 thang 驚畏 ê tāichì。
- 5 你 ê 箭真利, 射 thàng 王 ê 對敵 ê 心;
列邦 lóng phak 倒 tī 你 ê 腳下。
- 6 你 ê 寶座是神聖 ê, 永永遠遠 ê,
你 ê 國 ê 權柄是公正 ê 權柄。
- 7 你意愛公義, 討厭邪惡;
所以, 上主—你 ê 上主用歡喜 ê 油抹你,
贏過抹你 ê 同伴。
- 8 你 ê 衫褲 lóng 有沒藥、沉香 kah 肉桂 ê 芳味;
tùi 象牙 ê 王宮有絲絃 ê 樂器聲 hō 你歡喜。

9 Tī lí chunkùi ê hūlí tiongkan ū liátkok ê kongchú;

ông hō ēng Ôhuil ê kimkhì táⁿpān, khiā tī lí ê chiàⁿpêng.

10 Chabó gín'á ah, lí tiòh àⁿ hīⁿkhang lâi chimchiok thiaⁿ, koh tiòh siôngsè siūⁿ!

Lí tiòh bē kítit lí ê jīnbîn kah lí ê lāupē ê ke;

11 ông tòh ē loánbō lí ê bímāu;

lí tiòh chuntióng i, inūi i sī lí ê chú.

12 Tulô ê jīnbîn ē sàng lâi lémih;

jīnbîn tiongkan ê hógiáh lāng ē tùi lí kiúthó unhūi.

13 Ông ê chabó kiáⁿ tī ôngkiong lâi kékki ênghôa; i ê saⁿkhò lóng sī ēng kimsòⁿ siù ê.

14 l chhēng siùhoe ê saⁿkhò, hông chhōa kàu ông ê bīnchēng;

kintòe i ê chāiseklí, iā tòh sī pôephōaⁿ i ê, mā lóng hông chhōa kàu lí ê bīnchēng.

15 Tòe lâi hoaⁿhí kah khoàilók, in hō lāng chhōa jip ôngkiong.

16 Lí ê kiáⁿsun ē sòachiap lí ê chósian;

lí beh siatlíp in tī choân tē chò ông.

17 Góa beh hō lí ê miâ taitai hō lāng kiliām; bānbîn beh éngéng óanoán kámsiā lí.

9 Tī 你尊貴 ê 婦女中間有列國 ê 公主;

王后用俄斐 ê 金器打扮, khiā tī 你 ê 正 pêng。

10 Chabó gín'á ah, 你 tiòh àⁿ 耳孔來斟酌聽, koh tiòh 詳細想!

你 tiòh bē 記得你 ê 人民 kah 你 ê 老父 ê 家;

11 王 tòh ē 戀慕你 ê 美貌;

你 tiòh 尊重伊, 因為伊是你 ê 主。

12 推羅 ê 人民 ē 送來禮物;

人民中間 ê 好額人 ē 對你求討恩惠。

13 王 ê chabó kiáⁿ tī 王宮內極其榮華;

她 ê 衫褲 lóng 是用金線繡 ê。

14 她穿繡花 ê 衫褲, hông chhōa 到王 ê 面前;

跟 tòe 她 ê 在室女, 也 tòh 是陪伴她 ê, mā lóng hông chhōa 到你 ê 面前。

15 帶來歡喜 kah 快樂,

in hō 人 chhōa 入王宮。

16 你 ê kiáⁿ 孫 ē 續接你 ê 祖先;

你 beh 設立 in tī 全地做王。

17 我 beh hō 你 ê 名代代 hō 人記念;

萬民 beh 永永遠遠感謝你。